

帶
經
堂
詩
話

帶經堂詩話卷九

漁洋山人

衆妙門一

標舉類

李衛公一代偉人功業與裴晉公伯仲其會昌一品制集駢偶之中雄奇駿偉與陸宣公上下別集憶平泉五言諸詩較白樂天劉夢得不啻過之

池北偶談

徐公文集三十卷南唐徐鉉寶臣著五代時中原喪亂文獻放闕唯南唐文物甲于諸邦而鉉錯兄弟與韓熙載爲之冠冕常侍詩文都雅有唐代承平之風

香祖筆記亦見鷗尾續文

附錄此條後段常侍入宋與湯悅卽段崇義奉詔撰江南錄至金陵亡國之際不言其君之過但以歷數爲言諫後主文尤極悽惻讀者悲之老學叢談記常侍入汴市一宅居後見宅主貧甚曰得非市宅虧價而至是耶吾近撰碑文獲潤筆二百千可以相濟其人堅辭亟命左右輦致之其厚德如此集外又有稭神錄若干卷予家有寫本又云

南唐二徐鉉無子錯有後人拈攝山前開茶肆号徐十郎家王鉉性之常訪之鉉錯告勅具在又言嘗見錯文集有南唐宮人喬氏出家語今騎省集三十卷尚完楚金集則不傳矣

偶爲朱錫鬯太史尊舉宋人絕句可追踪唐賢者得數十首

聊記於此亭亭畫舸繫春潭只一作待行人酒半酣不管煙

波與風雨載將離恨過江南張文潛未宛卽絕句附識春陰垂野草青青時

有幽花一樹明晚泊孤舟古祠下滿川風雨看潮生蘇子美蘇欽滄浪

淮中晚泊驛頭冷于陂水淡于秋遠陌初窮見一作渡頭瀨是得一作丹

青無畫處一作不能畫畫成應遣一生愁司馬和中行色竹外桃花三兩枝

春江水暖鴨先知蘆蒿滿地蘆芽短正是河豚欲上時蘇子瞻軾東坡

惠崇春江曉景黃葉西陂水漫流蘆條風急滯扁舟夕陽暝色來千

里人語鷄聲共一邱寇荆山國寶題閭門外小寺壁露白一作霜紅郭外田山

濃水淡欲寒天參軍抱病陪清賞一檝呼歸亦可憐楊克一道孚遺榮

陽公曰 斷腸聲裏無形影畫出無聲亦斷腸想得陽關更西路

北風低草見牛羊黃魯直庭堅山谷題陽關圖 梁州一曲當時事一作開 記得曾

拈玉笛吹端正樓空春晝永小桃猶學澹燕支山谷二見和陳君儀讀太真外傳其二

斷雲一葉一作片 洞庭帆玉破鱸魚霜一作金 破柑好作新詩寄

一作繼 桑苧垂虹秋色滿東南米元章散襄陽吳江垂虹亭 投荒萬死髣毛斑生

入瞿唐灩澦關未到江南先一笑岳陽樓上對君山山谷三見雨中登岳陽

樓望君山其一 江上荒城猿鳥悲隔江便是屈原祠一千五百年間事

只有灘聲似舊時陸務觀游劔前楚城 夜雨連明春水生嬌雲濃暖弄

微晴簾虛日薄花竹靜時有乳鳩相對鳴滄浪二見初晴遊滄浪亭 目盡孤

鴻落照邊遙知風雨不同川此中有句無人見送與襄陽孟

浩然東坡二見郭熙秋山平遠 獨凭危堞望蒼梧落日君山似畫圖無數柳

花飛滿岸晚風吹過洞庭湖陳去非與義簡齋城上晚思 來時秋雨滿江樓歸

日春風度客舟回首荆南天一角月明吹笛下揚州鄭叔起震翁山荆南別

賈制書東歸梨花淡白柳深青柳絮飛時花滿城怡一作惆悵西關一作

東欄一株雪人生看得幾清明東坡三見東欄梨花到處相逢是偶然夢中

相對兩華顛還來共醉西湖雨不見跳珠十五年東坡四見與暮同年飲湖上

烏塘渺渺路一作緣平堤堤上行人各有攜試問春風何處好

辛夷如雪柘岡西王介甫安石臨川烏塘掃地焚香閉閣眠簾紋如一作水

帳如煙客來夢覺知何處挂起西牕浪接天東坡五見南堂其五曾作金

陵爛漫遊北歸塵土變衣裘菱荷聲裏孤舟雨臥入江南第

一州宛邱二見懷金陵皂莢邨南三四里一作三里許春江不隔一程遙雙堤

鬬起如牛角知是隋家萬里橋晁无咎補之揚州雜詠去年此日泊瓜洲衰

柳蕭蕭客繫舟白髮天涯歎流落今宵一作年聽一作對雨古宣

州宛邱三見雨中題壁山驛蕭條酒倦傾嘉陵相背去無情臨流未忍輕

相別吟聽潺湲坐到明

石守道介祖徠泥溪驛中作

照江丹葉一林霜折得黃

花更斷腸商略此時須痛飲細腰官畔過重陽

劍南二見重陽

洞庭

木

一作葉

落萬波秋說與南人亦自愁欲指吳淞

一作指點吳江

何處是

一行征

一作鴻

雁海山頭

无咎二見亦見宛邱集題周文翰郭熙山水

陌上花開蝴蝶飛江

山猶是昔人非遺民幾度垂垂老遊女還長

一作長

歌緩緩歸東坡

六見陌上花

白髮先

一作前

朝舊史官風爐煮茗暮江寒蒼龍不復從

天下拭淚看君小鳳團

韓子蒼駒陵陽人送鳳團及建茶謝

濯錦江邊憶舊遊纏

頭百萬醉青樓而

一作如

今莫索梅花笑古驛燈前各自愁南

三見梅花

濟南春好雪初晴行到龍山馬足輕使君莫忘雲溪女

時作陽關腸斷聲

東坡七見陽關詞

琵琶絃急滾梁州羯鼓聲高舞臂

鞦破費八姨三百萬大唐天子要纏頭

東坡八見讀開元天寶遺事

逍遙堂後

千章

一作尋

木常

一作長

送中宵風雨聲誤喜對牀尋舊約不知

漂泊在彭城

蘇子由轍穎濱追遙堂會宿

秋來東閣涼如水客去山公醉似泥

困臥北窗呼不醒

一作起

風吹松竹雨淒淒

蘇濱二見全上

于詩織就

迴文錦如此陽臺暮雨何只有聰明蘇蕙子更無悔過竇連

波

山谷四見題蘇若蘭迴文錦詩圖

落日同騎款段遊倦依松石弄清流蓬萊漢殿

春分手一笑相逢太華秋

陵陽二見行至華陰呈喬舍

舟中一雨掃飛蠅半脫

綸巾臥翠藤殘夢未醒

一作清夢初回

窻日晚數聲柔櫓下巴陵

劉四小

再極涼舟中熱至夕

何人把酒慰深幽

東坡九見梅花共

開自無聊落更愁幸有清溪三百

曲不辭相送到黃州

東坡九見梅花共

向來松檜欣無恙坐久復聞南

碣鐘隱隱修廊人語絕

一作寂

四山滴瀝雪鳴風

宋文淵齋

自愛

一作

新詞韻最嬌小紅低唱我吹簫曲終過盡松陵路回首

煙波十四橋

姜夔章蕤白石過番如亭作

夜暗歸雲繞柁牙江涵星

一作秋

影雁

圓

一作鷺眠

沙行人悵望蘇臺柳曾與吳王掃落花

白石二見姑蘇懷古

征帆

一似白鷗輕起揭船篷看晚晴梅子著花霜壓岸自披風帽

過臨平

高九萬驚菊 池北偶談

宗枅附識能改齋漫錄諫議大夫宋齊愈宮詞云禁城春水碧潯潯沈山松花馬片紅
葉上細看無一字始知無女怨東風雖陽道中云青絲燈絕雨才通無數深紅間淺紅
山店落英春寂寂青旗吹盡柳花風又一首即此條所舉是也按齊愈以推舉為楚伏
誅其詩罕有采錄附見于此又正齋述高廬先生云宋人絕句率筆最多間有用意為
之者亦往往失之粗俗否則失之尖纖耳
閱者率此數十首以為別裁思過半矣

葉石林全集一百卷桑民懌家書目有之今不可得建康集
八卷則紹興八年再帥建康作也石林晁氏之甥及與无咎
張文潛遊為詩文筆力雄厚猶有蘇門遺風非南渡以下諸
人可望

附錄錄尾文葉石林學有師承筆力雄邁猶有東京盛時風氣非南渡諸人所及案經
籍志石林集百卷今所傳止建康集八卷餘率湮沒幸避暑錄話無語放言玉璫等書
猶存說部中豈一人之身其著書傳不傳亦各有數耶石
林之學尤邃於春秋觀集中答王從一教授二書可見

安岳馮山字允南詩文各十五卷今鈔本止詩十二卷餘皆

缺山蜀人生當北宋全盛時與文湖州鮮于子駿遊而無一語及眷山父子兄弟閱此集頗有佳勝五言古西縣道中云漢水引我行梁山邀我坐山水已清絕春容碧相和下馬取酒餘梅飄酒中墮日落醉不去青茸草間臥郊外云解巾臥柔碧送王審言祕校潞州法曹云上黨綠青冥勁氣西北隅黃河天際來草木冬前枯七言古采樵行俠少行張王具體黔江八陣磧二篇最佳又題鮮于秀才所居云羣峯屋背猿鳥啼二江門前鷗鷺飛雅聞君居頗奇絕長恨不到情依依仙翁落拓少拘檢解舞石上凌清暉投冠整袂或云起臺土一踏何時歸此詩有子瞻風氣五言律詩上范蜀公二十韻說盡蜀公平生春閑云春聲蜂遶屋晴意鳥臨牕新霽云曉日雲輕放林花水倒沉瞿唐峽二十四韻寫夔州山川字字

遍肖不身歷其地者不知也起云勝絕瞿唐險西陵古地形
巴江深洞穴蜀主舊門庭王氣吞三峽神功出五丁繼云衆
流趨灩澦遠意會滄溟顧盼疑無地幽陰似有靈白鹽懸日
月黑石鼓雷霆鑿鑿餘痕在高深巨勢停魚龍憑險怪煙霧
鎖沉冥念昔窮探索嘗言駭觀聽觀作去聲波濤真激箭舟楫劇
奔星始欲頽頽老杜七言律詩和周正孺遊蠶叢云抹綠郊
原逢雨後殘粧桃李覺春深宿雲亭云亭榭寂爲閑處所溪
山清帶古風流劍州東園云援琴故故彈流水隱几蕭蕭聽
竹枝送李杞赴闕云千番蜀屑供吟橐一道秦川照錦衣重
陽寄文與可云黃菊縱逢佳節好清歡不似去年多山路梅
花云傳聞山下數株梅不免車帷暫一開試向林梢親手折
早知春意逼人來何妨歸路參差見更遣東風次第催莫作

尋常花蕊看江南音信隔年回風趣盎然昔人所云清空一
氣如話者也五古有謝人惠充墨詩蓋兗州宋時製墨有名
微是時疑當作詩世罕知之詩云故人山東來遺我數丸墨掘丸
大如指盥手重拂拭濃磨向日看古瓦增潤澤經屑不見紙
清光隱深黑書云舊所秘聞今已難得庭珪死已久至寶世
罕識御府從近存疑有誤人間萬金直兗州擅高價比歛固少
抑古松亦將盡神奇漸衰息文章不見貴筆研豈可擲牢落
况此君雖精淡無色憐君情好古投贈兼以臆世事持此觀
噫嗟其冥默

宋謝邁幼槃竹友集十卷詩七卷雜文三卷謝方伯在杭手
鈔本邁臨川人逸之弟江西詩派二十五人之一也在杭跋
云幼槃詩文不傳于世此本從內府借出時方涖寒京師傭

書甚貴需銓京邸資用不贍乃手自鈔寫每清霜呵凍十指
如槌幾二十日始克竣帙藏之于家亦足詫一段奇事也萬
歷己酉十二月二十四日辛酉前有苗昌言呂本中二跋幼
槃詩居仁稱其似宣城非也在江西派中亦清逸可喜然涪
翁沈雄豪健之氣則去之遠矣顏魯公祠堂十八學士圖諸
長歌頗佳格詩如尋山紅葉半旬雨過我黃花三徑秋撥莎
蕉葉展新綠從與榴花開晚紅瘦藤拄下萬峯頂野鶴來歸
千歲巢皆佳句又靡靡江離只喚愁眼中何物可忘憂棟花
淨盡綠陰滿纔見一枝安石榴甚有風致非蘇黃門庭中人
不能道也無逸詩尤有名溪堂集視此未知何如耳

已上居易錄
并錄一

蘇尾
文

宋謝邁幼槃臨川人逸之弟江西詩派二十五人之一

呂居仁稱其詩似宣城未爲篤論然亦清逸可喜而涪翁沉

雄豪健之氣則去之遠矣顏魯公祠堂十八學士圖諸長句
頗工近體如尋山紅葉半句雨過我黃花三徑秋接莎蕉葉
展新綠從史榴花開晚紅瘦藤柱下萬峯頂野鶴來歸千歲
巢皆佳句又絕句靡靡江離只喚愁眼中何物可忘憂棟花
淨盡綠陰滿纔見一枝安石榴甚有風致非蘇黃門庭中人
不能道也顧安得無逸谿堂集及徐師川洪龜父諸人遺集
一縱讀之耶

宗枏附識丙子秋九月吳門馮兄亮君過訪邨居攜贈竹友集一册卷數悉合苗呂二
家跋後又有謝公子果東山黃晉良及近時侯官林君吉人吾鄉朱太史竹垞諸跋山
人跋語與此二條亦小有異同末書康熙三十年辛未夏六月雖非舊錢繕寫亦雅知
已佳現何可忘也閒有闕文譌字惜未得善本應勘竝錄谿堂集以成合璧爾正齋云
余所有曝書亭抄宋人小集內有谿堂集數葉詩僅
二十九首今厲樊榭宋詩紀事載無逸詩凡十六首

錢武肅王目不知書然其寄夫人詩

疑當作書

云陌上花開可緩

緩歸矣不過數言而姿制無限雖復文人操筆無以過之東

坡演之爲陌上花三絕句云陌上花開胡蝶飛江山猶是昔
人非遺民幾度垂垂老遊女還歌緩緩歸五代時列國以文
雅稱者無如南唐西蜀非吳越所及賴此一條足以解嘲

并

錄二

香祖晁无咎陌上花八首工妙不減蘇公其二篇云嬾子歌

傳樂府悲當年陌上看芳菲曼聲更緩何妨緩莫似東風火
急歸荆王夢罷已春歸陌上花隨暮雨飛卻喚江船人不識
杜秋紅淚滿羅衣

漁洋

詩話五代時吳越文物不及南唐西蜀之盛而武肅王寄她

書云陌上花開可緩緩歸矣二語豔稱千古東坡又演爲陌
上花云陌上花開胡蝶飛江山猶是昔人非遺民幾度垂垂
老遊女還歌緩緩歸生前富貴草頭露身後風流陌上花已

作遲遲君去魯猶歌緩緩妾歸家晁無咎亦和八首有云娘子歌傳樂府悲當年陌上看芳菲曼聲更緩何妨緩莫似東風火急歸荆王夢罷已春歸陌上花隨暮雨飛卻喚江船人不識杜秋紅淚滿羅衣二公詩皆絕唱入樂府卽小秦王調也

宋牧仲中丞行賑邳徐間于邨舍壁上見二絕句不題名氏真北宋人佳作也橫笛何人夜倚樓小庭月色近中秋涼風吹墮雙梧影滿地碧雲如水流渺渺孤城白水環舳艫人語夕霏間林梢一抹青如畫應是淮流轉處山

并錄一

漁洋詩話宋牧仲中丞嘗於淮北旅舍見二絕句云橫笛何人夜倚樓小庭月色近中秋涼風吹墮雙梧影滿地碧雲如水流渺渺孤城白水環舳艫人語夕陽間林梢一抹青如畫知

是淮流轉處山中丞題其後云新詩寫向黃泥壁未許人閒識姓名二詩大似北宋名家

宗栴按後一首見秦淮海集前一首俟再考

余于宋南渡後詩自陸放翁之外最喜姜夔堯章堯章又號白石道人學詩于蕭千巖而與范石湖楊誠齋善時黃若老亦號白石亦學詩于千巖時稱雙白石云右見鶴林玉露

四大家爲蕭楊范陸而誠齋答堯章已上香祖筆記并錄一詩云尤蕭范陸四詩翁則謂遂初也

宗栴附識芷齋云藻奎律髓載范石湖鄂州南樓詩方虛谷云乾淳間詩巨擘稱尤楊范陸謂遂初誠齋放翁及公也初自先生評云誠齋集中稱尤蕭范陸爲四詩將蕭名海藻字東夫今失傳後遂以楊易蕭又蕭千巖次韻傳唯肖詩初自先生評云南渡詩家初稱尤蕭范陸今蕭詩罕傳唯後邨詩話中及茲集所載數篇而已又案律髓姜白石乃千巖之婿

全上 宋姜夔堯章白石集予鈔之近百首蓋能參活句者白

石詞家大宗其於詩亦能深造自得自序同時詩人以溫潤

推范石湖痛快推楊誠齋高古推蕭千巖俊逸推陸放翁白石游於諸公間故其言如此其詩初學黃太史正以不深染

江西派為佳

亦見錄尾續文

宗枏附識亞谷叢書風愛姜白石萬花多處別開門泊人生難得秋前雨乞我虛堂自在眠句近歲禾中廣陵先後搜其集刊行殆無一篇不佳昔遊詩十五首尤可誦其平生造詣自叙二篇足以盡之漁洋稱其能參活句竹垞列之於謝朓孟浩然徐迪功之間良然愚按姜集近刻凡四武唐俞氏及廣陵曾陸二氏俱詩詞合編唯陸本最為詳審詩則盡去其竄入之作詞則一遵陶南村手鈔今柘湖所刻歌曲六卷別集一卷亦從陶本特卷帙小異耳石帚詞妙絕古今昔秀水纂詞綜時嘗以白石樂府五卷僅存二十餘闕為憾今得諸本刊行菰林傳誦此樊川所云生百代之下未為不幸也

世人謂宋初學西崑體有楊文公錢思公劉子儀而不知其

後更有文忠烈趙清獻非胡文恭宿三家其工麗妍妙不減

前人今所傳西崑倡和集則丁謂諸人也潞公以功名清獻

以清直著聞而詩格殊不類亦一奇也

漁洋詩話 并錄四

池北偶談文潞公承楊劉之後詩學西崑其妙處不減溫李五言

如雲淡天迷楚樓高地占秦哀箏兩行雁小字數鈎銀巷陌

三條月池塘十步春府門初夜閉多少夜遊人

見山樓

蘅薄頻

牽望楊林久駐鑣香囊徒叩叩雲月自蒼蒼翠佩傳情密微

波託意遙翩鴻漸高逝翻恨隔神霄

蘅

楊柳亭臺暮梨花院

落深玉池波湛湛珠幌影沉沉遠思隨莊蝶春懷怯雍琴萱

蘇不蠲忿擁鼻獨清吟

深院

小檻風驚葉幽庭露泣柯芳塵千

里遠幽恨九迴多螢影穿簾押蛩聲出砌莎寸心無以寫望

月但長歌

秋夕

七言如小閣登臨春暮時綺欄飛闥映游絲鶯

喧曲檻韓馮樹薛晦幽庭貢禹綦閑對碧雲吟桂水狂思長

袂宿蘭池徘徊望斷江邊客采得瑤華寄與誰

登通山閣

獵徧蘭

叢與桂枝巢居未必有先期靈臺十仞鳥隨轉阿閣三重鳳

豈知度柳暗催蟬嘒嘒出雲高送雁離離漢宮玉樹知何限

爭忍重吟畫扇詩

秋風

高樓閑背夕陽登眇眇長懷不自勝錦

瑟有時聞北里卸車何日到西陵地寒萱草猶難種天遠瑤

華豈易憑多謝蘇門清嘯客了無塵事染壺冰

萬懷

縹帙青箱

次第開慨然英氣轉難裁莫言每事俱長往須有清風屬後

來彈鋏始知皆瑣旅枕戈方信是雄才平生自信真非薄只

是休容楚鵲媒

閱史有感

蘇文忠公常稱潞公長律無一字無考

據世猶未知其工妙如此內鄉李子田撰藝圃集近石門呂

莊生吳孟舉撰宋詩鈔皆遺潞公予偶讀公集摘錄如右

宗樞附識荊楚述高廬先生云按雲月自著者乃用謝靈運東陽縣贈答詩部者皆當作迨迨豈古字可通用耶

居易錄

文潞公身都將相功名蓋世而其詩婉麗濃嫵絕似西

崑予向摘其佳句著之池北偶談趙清獻詩亦有似潞公者

殊不類其爲人如暖風云薄袂欹雲散輕雲無袖低簾踈蕩

樓閣塵暗逐輪蹄絮亂垂楊道香流種藥畦春牕惱春思一
枕杜鵑啼芳草云翠密馴文雉叢深隱畫輪離披金谷曉寂
寞茂陵春古渡班荆客長堤走馬人芊芊似袍絲一雨一番
新杜鵑云響亂書窗外人驚夢枕中江城啼曉月澤國慙春
風柳道盤餐綠桃園蹊蹊紅年年來此地畱恨任西東寒食
云城郭青煙散郊園麗日長鬪雞紅錦翅游騎紫絲韁有蝶
俱含粉無人不惜芳儘拚花下飲歸去醉成鄉觀水云澄江
抵練長極目路蒼茫煙芷差差綠風荷柄柄香西流終古恨
南浦鎮時忙擬待傳辭意離人在楚鄉右數詩掩卷誦之豈
復知鐵面所爲耶

全上

老學菴筆記司馬文正公五字詩云煙曲香尋篆杯深
酒過花可謂工麗此與文忠烈趙清獻詩擬西崑相似也

香廂筆記宋初諸公競尚西崑體世但知楊劉錢思公耳如文忠

烈趙清獻詩最工此體人多不知予既著之池北偶談居易

錄二書觀李子田蓁菰圃集載胡文恭武平宿詩二十八首

亦崑體之工麗者惜未見其全聊摘錄數聯于左兩谷漫持

白馬先生論未抵鳴雞下客功次韻宋石牀潤極琴絲緩水閣

寒多酒力微淮南王長生不待爐中藥鴻寶誰收篋南內書蕩

槩遠從芳草渡墊巾還傍綠楊堤冲虛觀桐井曉寒千乳斂茗

園春嫩一旗開趙崇道江浦嘔啞風送榜河橋勃窣柳垂隄注

馬相如賦云嬰粉壁已沉題鳳字酒壚猶記姓黃人塞顏利請

盟金七酒將軍歸臥玉門關殘花長樂夢回春寂寂武陵人去

水迢迢侯彩雲按曲青岑醴沉水熏衣白壁堂前檻蘭茗依

玉樹後園桐葉護銀牀津西北浮雲連魏闕東南初日照秦

樓古別離

佳人挾瑟漳河曉壯士悲歌易水秋雪色欺曹國麻

衣淺寒入荆王翠被深

次韻徐
龜見寄

侏儒自是長三尺澀統都來重

數金

夏早

睡驚驚語頻移枕病起蛛絲半在琴風調與二公可

相伯仲起結尤多得義山神理不具錄

附錄筆記又云宋初文士稱高梁柳范調高弁
梁周倫柳開范杲也在楊劉之前而人多不知

宋初潘閬跡跡不羈然其詩實有可觀如久客見華髮孤櫂

桐廬歸初月無朗照落日有餘暉漁浦風水急龍山煙火微

時聞沙上雁一一皆南飛右詩在唐人中亦推高作

古天子亭

亭雜錄 并錄一

分甘
餘話

久客見華髮孤棹桐廬歸新月無朗照落日有餘暉漁

浦風水急龍山煙火微時聞沙上鴈一一皆南飛右宋初潘

閬詩也高妙不減岑嘉州又夜涼疑有雨院靜若無僧亦佳

句故友施侍讀愚山章宿越州天衣寺云月照竹林早露從
衣袂生亦不減閨語

中州集載楊雲翼詩金波曾醉雁門州信有人間五月秋萬
古河山雄朔部四時風月入南樓云云誠佳作也近李梅厓
中丞基和代州詩云誰識雁門今夜月山川別樣在冰壺亦是
佳句而彼土之高涼可以想見矣

宗補按金波曾醉云云乃閻闔趙公代州詩次句作端有人間六月秋後半云漢家戰
伐雲千里唐李英維上 一即繫馬朱關重回首煙波誰在釣魚舟全篇載中州集三卷
非文獻作當時楊趙竝
得山人因之誤記爾

金李汾長源詩煙波蒼蒼孟津戍旌旗歷歷河陽城不減少

陵東坡已上分甘餘話

伯庸家世雍古部人至其父始家光州爲御史嘗劾姦臣鐵
木迭兒十大罪以勁直聞非僅文章之士也然史稱其文宏

瞻而精核以先秦兩漢爲法詩圓密清麗大篇短章皆可傳

其詩文蓋有過人者

漁洋文

附錄居易錄元馬祖常伯庸石川文集十五卷至元五年奉旨刊行宏治中都御史熊獅重刊本獅與祖常皆光州人也元代文章極盛色目人著名者尤多如祖常及趙世延李本魯獅康里巖巖貫雲石辛文房薩都刺輩皆是也伯庸文五卷向麗從劉欽諤中州文表見之有文而無詩康熙己巳冬抄于竹垞寓齋得觀此本間旬日而歸之集首有趙郡蘇天爵太原王守誠

閩陳旅三序李東陽熊獅二序

所安遺集一卷元長沙進士陳泰志同著歌行馳騁筆力有太白之風在元人諸名家中當居道園之下諸公之上而名不甚著豈名位卑耶

鬻尾文

元傅汝礪若金詩集八卷有范德機揭曼碩序洪武壬戌刊

本歌行頗得子美一鱗片甲七律亦有格調視南宋但俗之

體相去遠甚時借朱竹垞

鬻尾文作竹垞大吏

鈔本宋元人集十數種如

行黃茆白葦間忽逢嘉樹美箭爲之眼明若金妻孫淑字蕙

蘭亦工詩見陶南村輟耕錄集中湘臯煙草綠紛紛淚灑東風憶細君其悼亡之作也

陵陽集二十四卷元初牟巖獻之著詩有盛宋時坡谷門風題跋亦如之雜文皆典實詳雅其九日詩序云陶公再爲建威參軍劉裕幕府也忽棄去爲彭澤令未幾又棄去裕是時已有異志劉穆之寧死不與九錫王宏自江北來首以此議風朝廷裕遂移晉祚而宏爲吏部尙書爲江州刺史遂被心腹之寄旣來江州柴桑近在境內於陶公時惓惓焉豈非內懷前愧欲附高人勝士以自湔被耶陶公未易致則使人中路具酒食候其出醉而要之庶幾一見斯已甚迫則亦可以見我胸懷本趣固有在豈端爲一王宏哉適乘籃輿足以自返其視華軒爲何物而宏欲以此榮其歸此又可一笑也

云

此論發

豎尾文無發字

前人所未發

豎尾文有特錄之三

詩五言亦佳不具錄獻之

蜀陵陽人清惠公存齋子寓吳興所與遊

豎尾文作遊與疑

好者如劉

會孟戴帥初仇仁近周公謹趙子昂兄弟皆一時名勝可以

知其人已

元翰林直學士謚文清宋裴燕石集與石田集皆奉旨刊行

元時崇文如此或謂九儒十丐當是天歷未行科舉以前時

語耶文清詩溫潤清麗濟南數篇偶錄于此渡濟河初見近

城諸山云華山高聳離山東一帶煙霏翠掃空安石從來多

雅興卻如新婦閉車中中秋與呂仲實清話憶李漑之內翰

云大明湖上水涵天月色偏空李謫仙應笑吾曹煞風景碧

梧牕下對燈眠兄本官國子祭酒謚正獻工于古文時號二

宋

元張翥蛻菴集四卷衡山釋大籽北山編集洪武三年錫山
郎成鈔本成不知何許人書法妍妙逼真佛遺教經亦古物
之可寶惜者蛻菴元末大家古今詩皆有法度

蓋尾文有登錄不及處道園而情致

殊勝凡十二字

無論子昂伯庸輩卽范德機揭曼碩未知伯仲何如耳

宗枏附錄永旨字仲舉蛻菴其別號也屢嘗購得其詩集卷尾有學圃李崇系跋云是集久無刊本傳世從金亦陶手鈔全本借錄凡五卷案經籍志蛻菴集二卷或云三卷未知孰是永旨詩餘清新宏逸有碧山白雲風致金元間自號山先生外連焉寡儔蛻菴樂府三卷傳鈔尤少愚訪求數十年不獲一觀誠倚聲家之闕事也

元黃鎮成元鎮秋聲集四卷予愛其秋風詩云秋風淅淅生
庭柯蕭蕭木落洞庭波紅樹夕陽蟬噪急白蘋秋水雁來多
王孫不歸怨芳草山鬼欲啼牽女蘿蒹葭蒼蒼白露下望美
人兮將奈何又李仲明秋山小景云家住夕陽三峽口人行
秋雨二嶠間不知何處真堪畫移得柴門對楚山五曲精廬
云歌棹曾窮九曲源精廬迢遞隱屏前閑尋五曲樵溪上三

十六峯秋滿船甚有風調按諡法通考鎮成邵武人至正間

諡貞文處士

已上居易錄

余最愛范德機雨止修竹間流螢夜深至兩句少時曾擬作
一聯云螢火出深碧池荷聞暗香按元吳師道禮部集云聞
諸危太僕秋夜與先生微步山中得此句喜甚且曰句太幽
殆類鬼語須以他語映帶之乃足成此篇觀衆仲此跋知至
寶當前識者無不能辨之也

漁洋詩話并錄一

香祖筆記

范德機嘗得十字云雨止修竹閒流螢夜深至既復曰

語太幽殆類鬼作吳正傳師道禮部集一條云聞之危太僕
昔與先生秋夜不寐微步山中得此二句喜甚且曰云云當
以他語映帶之因足成此章云右二語果佳余少時有句云
螢火出深碧池荷聞暗香故友葉文敏初菴方藹極喜之取入

獨賞集

徐禎卿洞庭葉未下瀟湘秋欲生一篇非太白不能作千古
絕調也曹學佺亦有秦淮送別一篇云疎籬豆花雨遠水荻
蘆煙忽弄月中笛欲開江上船情致殆不減徐徐五集中有
一絕云渺渺太湖秋水闊扁舟搖動碧琉璃松陵不隔東南
望楓落寒塘露酒旗曹一絕可以相敵新林浦云夾岸人家
映柳條元暉遺跡草蕭蕭曾爲一夜青山客未得無情過板

橋

池北偶談

古今文人有名不大著而其詩實卓然名家者世人多耳食
抑何從知之如歸田錄所載謝伯初景山送永叔謫夷陵詩
中聯云長官衫色江波綠學士才華蜀錦張下國難畱金馬
客新詩傳與竹枝孃明飲天監博士馬軾字敬瞻送岳季方

閣老云五嶺瘴高煙蔽日兩孤雲溼雨鳴秋結句祭罷鰐魚
歸去晚刺桐花外月如鉤右二詩即使當世專門名家操觚
染翰未必能到論者不可徇名而失實故特表而出之

并錄一

漁洋詩話

古今來詩佳而名不著者多矣非得有心人及操當代

文柄者表而出之與煙草同腐者何限宋歐陽文忠謫夷陵
許州法曹謝伯初景山以詩送之云長官衫色江波綠學士
才華蜀錦張下國難畱金馬客新詩傳與竹枝孃明岳文肅
正外謫欽天監博士馬軾送以詩云五嶺瘴高煙蔽日兩孤
雲溼雨鳴秋又云祭罷鰐魚歸去晚刺桐花外月如鉤使當
時專門名家操觚腐豪未必能道也

明詩至楊升菴另闢一境真以六朝之才而兼有六朝之學
者其詩如詠柳垂楊垂柳綰芳年一篇世共知之又古意凌

詩話卷九

標舉

圭

波洛浦遇陳王鷓鴣詞秦時明月玉弓縣關山月迢迢賤妾
隔湘川出關擬唐人狼弧芒角正彎環塞下曲長榆塞上接
龜沙諸篇工妙天成不減前作又青蛉行寄內絕句亦絕妙
大抵皆自古樂府出益都王遵坦太平論明詩獨推新都爲
性之者亦自有見

已上香祖筆記 并錄二

全上 夜夜月爲青冢鏡年年雪作黑山花唐人尉遲匡詩也
匡以詩干李林甫反遭斥辱雲溪友議具載其事而未見全
篇升菴補作塞上曲極工今載集中

居易錄

升菴客滇遊其門者自六學士外又有隱士董難難字

西羽太和人常輯轉注古音著韻譜滇志列隱逸傳曾見其
題玉局寺一詩極佳錄之杜鵑枝上春可憐杜鵑聲裏雨如
煙萋萋滿目芳草碧杳杳一髮青山懸忽悲麥秀客遊次卻

憶棟風花信前惆悵池塘綠陰樹驚心一曲南薰絃風格宛似升菴

康熙已來詩人無出南施北宋之右宣城施閏章愚山萊陽宋琬荔裳也昔人論古詩十九首以爲驚心動魄一字千金施五言云秋風一夕起庭樹葉皆飛孤宦百憂集故人千里歸嶽雲寒不散江雁去還稀遲暮兼離別愁君雪滿衣此雖近體豈愧十九首耶已未在京師登堂再拜求予定其全集宋浙江後詩頗擬放翁五古歌行時闕杜韓之奧康熙壬子春在京師求予定其詩筆爲三十卷其秋與予先後入蜀予歸之明年宋以臬使入覲蜀亂妻孥皆寄成都宋鬱鬱歿於京邸此集不知流落何地矣

池北偶談 并錄二

漁洋詩話

康熙辛亥宋荔裳

琬

施愚山

閏章

皆集京師與余兄弟倡

和最久明年壬子荔裳補官蜀臬余與蜀試先後出都門旣而余以十月下峽荔裳以明年春上峽遂不相見是歲荔裳入覲歿於京師後二十八年庚辰余官刑部尙書荔裳之子思勃來京師以入蜀集相示亟錄而存之集中古選歌行氣格深穩余多補入咸舊集略其二三短章於此次黃州云賦成赤壁人如夢江到黃州夜有聲憶故鄉海錯絕句銀刀名一魚入帶云銀花爛熳委筠筐錦帶吳鉤總擅塲千載鱗諸畱俠骨至今七箸尙飛霜筆管螳云雕蟲小伎舊知名食邑由來號管城曾與江郎書恨賦莫將刀筆博公卿題督郵爭界石云蜀國至今悲杜宇楚人終是戀鴻溝可謂精切著題

全上

余論當代詩人目曰南施北宋施謂愚山宋謂荔裳二君集皆經余刪定又嘗取愚山五言近體詩爲主客圖一卷

今施集尙存其家未能版行宋集經蜀亂失其本矣

帶經堂詩話卷九

帶經堂詩話卷十

漁洋山人

衆妙門二

指數類上

陳無已平生皈向蘇公而學詩於黃太史然其論坡詩謂如
教坊雷大使舞又有詩云人言我語勝黃語扶豎夜燎齊朝
光其自負不在二公之下然予反復其詩終落鈍根視蘇黃
蘇尾續文有果位二字遠矣任淵云無已詩如曹洞禪不犯正位切忌死語

恐未盡

續文然續文無作能下文

予獨愛其二律云林廬煙不起城郭歲

將窮雲日明松雪溪山進晚風人行圖畫裏鳥度醉吟中不
盡山陰興天畱憶戴公又白下官楊小弄黃騎臺南路綠無
央含紅破白連連好度水吹香故故長蹲滑踏青穿馬耳轉

危緣險出羊腸熟知南杜風流在預怯排門有斷章后山集
南陽王文莊公鴻儒宏治十二年刻於潞安有公序及魏衍
集記元城王雲天社任淵二序詩十二卷六百七十九首雜
文八卷一百六十九首談叢理究詩話長短句附焉共三十
卷

池北偶談

宋刻晁公遡子西嵩山集五十四卷公遡公武子止弟也古
賦一卷神女廟賦最奇麗詩在叔用无咎之下頗

鬚尾文
作間

有警

策如人生漢南樹風物劍西州一年風物倉庚報萬里鄉心
杜宇知萬里艱難炊劍首十年流落夢刀頭又秋江水清不
勝綠還與漢江顏色同望中白鳥忽飛去落日丹楓相映紅
江折得寒香日暮歸銅餅添水養橫枝書牕一夜月初滿卻
似小溪清淺時

詠餅
中梅

征衣消盡洛陽塵泣向東風拭淚痕不

及青春歸有信一年一到樂遊園感事不見不恩闕于今已十

春素衣不忍棄爲有洛陽塵有感皆佳集中多與師伯渾倡和

之作師渾蜀人見陸務觀集

宋嚴粲坦叔華谷詩集一卷氣格卑弱類晚唐之靡靡者一

二絕句差有可觀如秋入白蘋風浪生癡雲未放楚天晴青

山湖外知何處中有斜陽一段明入秋昨夜湖心共泊船一天

星露宿寒煙朝來極目無洲渚知採蘋花何處邊宿石潭寺寄黃炳稍

有唐人音節華谷作詩緝林希逸以爲在歐蘇王劉東萊諸

鉅儒之上今盛傳其書又稱其五七言幽深天矯意具言外

觀此集殆不然也集中贈李賈詩云汝與吾宗好注賈與嚴

滄浪遊華谷與滄浪蓋有宗族之誼詩派相似而差不及戴

石屏贈二嚴詩云前年得嚴粲今年得嚴羽我自得二嚴牛

鐸諧鍾呂

宗枏附識詩緝三十六卷原本舊說時出新意讀之心目開明然遽云在歐蘇王劉東萊諸儒之上過矣近退谷孫公則謂嚴氏太巧只似詩人伎倆非解經身分竊謂詩學自爲一宗視他經精別唯虛與委蛇妙務情事如林氏序言會其旨於數章發其微於一字亦以意逆志之法也巧何有焉必繩以解經身分是又艾軒先生所云鄭康成以三禮之學賡傳古詩難與論言外之旨矣又按嚴氏解詩開引唐宋之作退谷所嘗此或其一端董子云詩無達詁如其與經旨比附卽以凡情證聖解也可知漢魏已來稱詩者類皆鼓吹風雅性情一也顧可盡古今而二之耶前賢持論各有所主平心味之得失自見

郭祥正功父青山集閩謝氏寫本六卷古詩二卷近體詩四卷七言歌行僅二篇或有關文也祥正多與王安石倡和之作詩格亦不高偶喜其三絕句云原武城西看杏花紛紛紅雪委泥沙何如姑孰溪頭見照水蒙煙小謝家又渡江乘興泊江干草觀殘花色未乾慣在釣魚船上住一簑一笠伴春寒又籃輿投曉出重城桃李無言似有情淡白輕紅能幾日可憐吹洗過清明又稻秧才一寸蠶子始三眠句

宋樓宣獻公鑰攻媿集八十五卷溫陵黃氏寫本詩僅九卷
宣獻與楊誠齋范石湖陸放翁同時詩亦石湖伯仲歌行學
蘇黃氣或不適格詩苦鈍然不爲楊范佻巧取媚七字如行
盡杉松三十里看來樓閣幾由旬一百五日麥秋冷二十四
番花信風水真綠淨不可唾魚若空行無所依雖宋調亦佳
句也

亦見登
尾又

附錄此條前段雜文七十六卷諸體中題跋最勝宋集多遺元此集如表狀內外制書
啟之類刪去半部亦可又云宋人工於題跋海虞毛氏汲古閣刻入津逮者不下十餘
家予讀樓宣獻攻媿集題跋多至十
數卷往往可稽掌故而毛氏遺之

西塘先生集九卷宋福清鄭介公俠著詩文似石守道而無
其怒張叫喚之習有德之言仁者之勇彷彿見之古詩如古
交行呈子京等篇在樂天東野之間近體和荆公何處難忘
酒一章令奸邪九原之下猶當慚汗

已上居易錄

康熙己巳庚午間在京師每從朱錫鬯黃俞邵借書得宋元人詩集數十家就中以長沙陳泰志同爲冠因抄其所安遺橐一卷以周弼伯弼汶陽橐臨江鄧林性之皇琴曲金華杜旃仲高癖齋小集附之數子者名不甚著而其詩實足名家

亦見錄

并錄一

尾續文

居易錄南宋詩小集二十八家黃俞邵鈔自宋刻所謂江湖詩

也大槩規橐晚唐調多俗下唯番陽姜夔堯章白石集汶陽周弼伯弼端平詩雋臨江鄧林性之皇琴曲三家最可觀白石詞中大家與誠齋石湖遂初諸老友善伯弼卽編三體唐詩者鄧姓字稍僻然其樂府絕句甚有義山之風蓋鐵中錚錚者也三君詩予手鈔之餘一二佳者倣摘句圖附于後開封趙汝鑑明翁野谷集五言律時有佳句七言俚俗歌行

漫無音節頓挫後村序乃謂跌宕頓挫真剗蛟縛虎手又許
以建安黃初矣 喬松二十里翠微三五家塵埃雙老鬢
天地幾斜陽持觴送南浦鳴櫓下東甌風霜先遠客天地獨
扁舟秋影清涵水煙痕淡著山蘭風香楚佩竹淚冷湘斑任
梅斜到牖聽竹長侵堦雨茶烹顧渚春酒醉烏程醉行沙市
月吟破渚宮秋楚岸猿吟樹湘江月滿船晚紅殘照在秋碧
遠山橫煙巖松葉暗風陌稻花香孤雁影誰伴亂蛩吟不休
曉清秋已到葉落客先聞歸雲起齋鉢高浪送行舟笠戴天
童雨鞋穿雪竇秋一年春易老雙鬢雪難消煙松迷五鬣風
柳起三眠逢響過雲雨帆開逆水風波及無忘晉渠成亦利
秦籬落一團飛蛺蝶汀洲數點立鷓鴣 笠澤葉茵景文吟
豪 杜宇鄉心重楊花世事輕曉霧沉山色春禽和水聲一

泉走石夜多雨萬竹圍松風似秋 天台戴復古式之石屏
集石屏以詩名而多直率氣骨終勝耳 春水渡旁渡夕陽
山外山黃花一杯酒白髮幾重陽忽聞啼鳥不知處細看好
山無厭時一百五日客懷惡三十六峯春雨愁梅邊竹外三
杯酒歲尾年頭幾局棋綠陰亭云千山橫碧一溪清白鳥飛
邊落照明吏散庭堦一無事綠陰亭上又詩成巾子山翠微
閣云雙峯直上與天參僧共白雲樓一菴今古詩人吟不盡
好山無數滿江南馬上云青松路徑白雲關有客來尋半日
閑十載灞橋驢子上爭如騎馬看廬山 四明高似孫續古
疎寮集劉後村謂能參誠齋活句者四聖觀詩後村亟賞之
詩云水明一色抱神州雨壓輕塵不敢浮山北山南人喚酒
春前春後客凭樓射熊館暗花扶屐下鵲池深柳拂舟白髮

邦人能道舊君王曾奉上皇遊
花知西洛事雁叫北人心
山橫赤壁含情斷水出瞿塘快意流
建安葉紹翁嗣宗靖
逸集 古柳無多樹新蟬第一聲
西湖秋晚云愛山不買城中地
畏客長撐屋後船荷葉無多秋事晚
又隨鷗鷺過殘年
北關云脫衣命僕浣塵埃籬落人家未見梅
出得城門能幾步船頭便有白鷗來
臨川危稹逢吉巽齋稿 蛾眉對酒
舞涼伊舞身還逐歌聲齊卷花萬段
忽進酒闌高蛺蝶飛來低 斯植建中采芝集
相逢春草外歸隱石房西春風思
華嶽夜雨夢瀟湘住當南嶽寺門對赤城霞
月過東西浦潮分遠近山水國今宵別
天涯隔歲歸春歸芳草暗雲入暮山
長野雲低水樹春雨閉山城鐘聲兩寺合
人影一溪分路長沙鳥盡人在翠微深
落花千點恨踈雨一簾風野店春寒雨

江城橘樹林斷雲連雨雪落日遠人煙鳥啼山雨急春盡故人稀煙波春雨渡燈火夜漁邨鳥雨連秋曙江風入雁聲滿山晴葉雨四壁暮蛩秋一夜霜欺鬢連朝雨送愁桃花曉落水流去山鳥晚啼風送來遠山云萬里色蒼然寒林夕照邊舊過南嶽寺曾向雨中看鳩云何處芳草多相呼向深塢竹外立寒枝山南又春雨雪中寄巖泉云吟罷新詩祇自看曉風吹恨上闌干夜來雪滿前山路誰對梅花說歲寒此君及趙汝鐸五言皆多佳句而無遠神羅與之與甫雪坡橐因沽江畔酒始見竹間梅一夜西風急千山落葉深閒吟小山賦歸思大江流山居云雨作糟牀注秋生鱸膾思卷簾了清景流水裊煙絲河陽張弋彥發秋江煙草夏新看藕葉夜久見蠙珠春詩定多少旬日又清明前路逢梅處同誰

倚棹看雲爲今夜雪梅發去年枝 金華杜旆仲高癖齋稿

歌行有張王風調如綠珠行明鏡行王粲宅別魏元長書懷
諸篇皆可誦送陸放翁赴名長句最佳 滄洲高九萬菊圃

集 半夜雨聲急一谿流水深桐花快落春風老梅子微酸

晚雨晴老淚怕從衣袂見閑情但有帽簷知題小姬扇云湘
湘未識羞獨坐抱箜篌貪學者婆舞擲身拜部頭春懷云江
南春盡尙春寒添盡征衣獨掩關日暮酒醒聞謝豹所思多
在水雲閒臨平云征颿一似白鷗輕起揭船篷看晚晴梅子
着花霜壓岸自披風帽過臨平田父辭云啄黍黃雞沒骨肥
繞籬綠橘綴枝垂新釀酒旋裁衣正是婚男嫁女時 三山
陳鑒之剛父東齋集稍有江西風氣而筆力苦孱 踏徧苔
溪石梅花又滿林花淡水紋麗鳥啼人意閑彎彎竹徑微微

雪小小溪橋淡淡雲畫蘭云托跡不辭巖谷深異于蕭艾亦
何心清風披拂自多事斜日淡雲香滿林 建安徐集孫義
夫竹所吟藁 齋板驚閒鷺苔碑臥夕陽 清源胡仲參希
道竹莊稿 門掩梅花月禽翻竹葉霜界首云幾重嶺隔幾
重灣路入濛濛煙雨間獨立溪橋重回首前頭已是劍州山
開封趙崇鈇元冶鷗渚吟 都昌卽事云世事可無酒春
藤還有花山雲欲到地街鼓又催衙風緊魚休市官貧飯帶
沙天機不得問暮色欲棲鴉湖中云汀蒲獵獵起涼颼碧藕
香中獨立時機事兩忘吾喪我扁舟吟過水仙祠 柯山毛
珮元白吾竹稿丹陽館一篇最警策 渡江南來第一驛幾
度華堂延雁客百年運逐曉雲空愁殺鞬官老無職南徐今
日古陽關不斷歌聲祖離席國讐已復事尤多折損年年春

柳碧 臨江鄒登龍震父梅屋吟有真西山劉後村戴石屏

三跋詩稍優于倣古 梅花云約臂金寒拓綺疏搔頭玉重

壓香酥含章簷下新妝額試啟菱花得似無江南春云玲瓏

樓閣江城晚楊柳絲絲凝去聲碧煙飛燕不歸春滿地百花香

裏聽啼鵲 拈蒼王琮中玉雅林稿 涼從曉來覺秋向雨

中深九十日秋蛩共語兩三夜雨雁供愁 四明陳允平衡

仲西麓稿 斷腸春洛浦殘夢夜瀟湘簾卷千重樹牕開四

面山樓臺秋淡玉簫遠簾幕夜寒銅漏遲明月鷺鷥菱葉浦

西風蟋蟀豆花籬江南謠云柳絮飛時話別離梅花開後待

即歸梅花開後無消息更待明年柳絮飛登西樓云楊柳飄

飄春思長綠橋流水繞宮牆碧雲望斷空回首一半闌干無

夕陽餘如建安張至龍季靈雪林刪餘壺山許棐忱父梅屋

豪浮玉施樞知言橫舟橐荷澤李龔和父梅花衲南徐朱南
楚學吟肝江余觀復中行北牕稿槩無足錄

全上

竹垞輯宋人小集四十餘種自前卷所列江湖詩外如

劉翼躔父心游摘橐問道論詩也一宗燒柴煨芋佛家風要

知真樂人間少聽雨空山破寺中

山寺聽雨

林希逸屬齋十一橐

寬心可要流香酒圓夢何須正焙茶

人明

皇按笛達磨渡蘆

二圖長歌皆佳又六言蚯蚓兩頭是性桃花一見不疑了得

葛藤三昧卻參芣苢諸詩

屬齋爲林艾軒理學嫡派而詩多宗門語屬齋有全集

敖陶孫羈之臞

翁集古詩歌行頗有盛時江西風氣其詩評尤爲談菑家所

推引朱繼芳季實靜佳集屈指秋風與雁期陽關西去到何

時側身一望腸堪斷天似穹廬碧四垂

客路

不踏長安十二門

鷗鷺飛處數家邨停橈試向灘頭問可是嚴光末世孫

漁父綏

行松葉滑小摘藥苗稀拾大江流禹蹟老樹見秦時登魚咬

垂絲柳鷗眠折葉菱蕩青天浮渤澥白日走崑崙對騷客五

花唐殿馬主家七葉漢宮貂謝野水郎金陵王氣水東流流到

淮南古岸頭夜半一聲天上曲錦帆天子下揚州揚相逢已

恨十年遲買酒吳山□□詩明日送春仍送客柳花風颺鬢

絲絲題李秋老眼看花興未厭不知頭上雨廉纖流鶯浪語春

風恨誰拘花枝插帽簷遊我登滄浪亭復歌滄浪曲歌竟

復長歌杳杳山水綠天風吹散髮山月照濯足為謝獨醒人

漁家酒初熟滄浪林尚志潤叟端隱臺江亭飲罷起離愁何

事西風又越遊潮信欲來人欲去夕陽紅蓼滿汀洲適越杜

宇一聲詩思減楊花三月客愁多春畱客醉終日愛花吟過

春贈陳必復无咎山居豪冷煙寒食月小雨浴蠶天百五

一夜簷花雨十年江樹春

贈張馴

蘆蓼作秋意汀洲生晚寒

舟行

人家半在桑柘住春水忽迷蘆荻叢

舟中微東坡

劉過改之龍洲集叫囂排突純是子路冠雄雞佩豸豚氣象

風雅掃地劉仙倫叔擬招山集頗乏警秀七言山僧幾輩雪

垂領水鳥數聲雲滿谿

西林

黃文雷希聲看雲集差有骨力長

句西域圖昭君曲甚佳又獄吏但能書牘背相君終欲割鴻

溝

東林拜岳王遺像

黃大受德容露香拾橐虎穴山川險蛟涎草木腥

白水

武衍朝宗藏拙橐皆絕句多佳作如牡丹春藥正穠華

有肯今年不賞花剪落金盤三百朶內批分賜近臣家

官詞補遺

桂華珠殿水精樓柅袖籠香乙夜遊飛下銀橋人不覺月明

三十六宮秋

開元廣寒詞

靈和殿裏最風流三月飛花滿御樓換得

玉人眉樣巧一春渾不下簾鉤

柳枝

飛鷁鳴鑣鼓吹喧繁華應

勝渡江前吟梅處士今還在宵住孤山爾許年湖寶髻無光

玉貌昏銜悲空感舊承恩君王愛問先朝事時許車兒到殿

門侍輦看花上苑春太皇宣索鳳笙頻如今猶記當時曲對

譜閒教小內人老官鈿車輾輓輾芳塵步鄣香移一片春花

下玉盤行禁巒御前宣勸到湖濱貴遊疊疊滄波隔亂山白鷗

飛去復飛還吟邊好思無多子只在孤鴻落照閒吳江水月塔院粉靨

嬌春掌上輕玉琴聲裏見深情花邊欲別重回首猶恐絲絃

說未明阮客碧雲千嶂合紅樹九秋深松陵晚泊寒食梨花月新晴

楊柳風愁消山色裏興極酒杯窄綠髮日夜變青春今古同

忍教行樂地容易夕陽紅飲湖亭張蘊仁溥斗野集春風酒棹

湖堤柳晚月吟驕輦路花春朝偶題雲生不沒仙人跡丹化猶啼

搗藥禽大滌洞天丹青嶺樹明寒葉水墨江天噪亂鴉東菴連山黃

獨雪一雁白蘋風川暑退涼生體氣佳捲簾聽雨感年華西

風葉葉梧桐冷開遍庭前白鶴花秋思憶著前遊十四年三高

祠下夕陽船無錢買得鱸魚膾吟就橘花香裏眠虹垂劉翰武

子小山集淒涼池館欲棲鴉彩筆無心賦落霞悵悵後庭風

味薄自鉏明月種梅花梅種送客歸來月滿簷梅花微笑隔疎

簾酒醒今夜銀屏冷沉水熏爐旋旋添客去長句鴻門宴玉斗

歌吳門行皆佳張良臣武子雪牕集叢叢竹雀開人家農事

春來漸有涯品字柴頭煨正暖不知風雪到梅花示長蘆仁禪師白鷺

悠悠去不還渚雲汀草一生閑暮年不入西州路空倚梅花

說佳山吳興投老菴三十六陂春水綠四十九年人事非揚子江頭

永嘉後吳儂蕩槳北人稀舊感帖帖平湖印晚天踢歌游女臂

相牽鳳城半掩人爭路猶有胡琴落後船西湖晚歸趙希櫟誼父

抱拙集市井蕭條景物非居人猶號永和隄春山十里斜陽

樹漠漠殘紅杜宇啼平過臨利登履道散臺擁巖千修篁中有

寒泉飛遊佛何應龍子翔橘潭臺樓上佳人唱渭城樓前楊

柳綰離情一聲未是難聽處最是難聽第四聲別有沈說唯宵

庸齋集海明看出日山晚倦行春寄慈溪何贊府釋永曠山老雲泉集

手攜一束書秋風獨來此松深孤月明水冷夫容死時看澗

鼠來食我山茶子西峯日暮拒霜花落碧潭秋嬾向山巔水際遊

貪看夕陽烏柏樹白雲紅葉亂溪流晚秋獨聽子規叫况逢山

月明冷泉亭溪色乍涼雙鷺下雨聲纔絕一蟬鳴隱舊薛嵎仲

止雲泉集二十里松聲千山雪未晴太白觀雪巖陰常候雨松色

不知春真隱寺雪渡溪流澀厨煙柏葉香閑居芳草思無際春風

情最多春晴隨身唯一鉢畱偈別雙松松風隆首座離家買湖石開印

對巾山

送台州倅

湖水涵秋霽風荷動夕陽

舍漁

俞桂希郗漁隱豪

西風蕭瑟入船牕送客離愁酒滿缸好記此時分袂處暮煙

微雨過松江

送松江人

葛天民無懷集月趁潮頭上山隨柁尾行

大江中夜滿雙櫓半空鳴

訪端叔

一杯殘臘酒萬古夕陽愁

後雪

寒食少逢天氣佳十日九日雨如麻新巢初見燕生子小巷

已無人賣花

事

花枝照眼堂堂去茗椀關心故故香

已上

下塘

六月關心處西塞扁舟入手時

荷葉浦

姚鏞希聲雪蓬集病起

春風過閒居野草生

懷陶山老

風帆逆水上江鶴背人飛

桐廬

王戴

溪頭小隱仙漁翁引上雪溪船幾回倦釣思歸去又爲蘋花

住一年

寓雪川

雨徑生新草風牀受落花

實

踏雨來敲竹下門

荷香清透紫綃裙相逢未暇論奇字先向水邊看白雲

訪中洲

右諸人唯葛天民及與楊誠齋相倡和劉改之亦前輩人餘

多摹擬四靈家數小氣格卑風氣日下非復紹興乾道之舊
無論東京盛時已可一慨也

宋

蘇尾續文宋字
在長樂二字上

臞翁詩集一卷長樂敖陶孫罷之所著罷之非

江西詩派中人而詩深得江西之體其評詩最精嘗

續文作當
屬上句

自云此評手書兩紙一貽莆陽劉潛夫一貽同舍朱仁叔其
自貴重如此韓平原當國時題詩臨安酒家壁弔趙忠定公
云九原若遇韓忠獻休說渠家宋代孫幾懼于禍亦奇男子
也

魏野詩數聲離岸櫓幾點別州山一篇最佳王彥輔記其一
絕亦有風致可喜城裡爭看城外花獨來城裏訪僧家辛勤
旋覓新鑽火爲我親烹嶽麓茶

已上香祖筆記

元陳樵鹿皮子集四卷詩學溫李寒食詞一篇有麥秀黍離

之痛古賦頗工

元臨川何中大虛集吳草廬序吳與何中表兄弟也中善五

言詩近體亦冲澹

蠶尾文無此五字

如聊隨碧溪轉忽與白鷗逢小雨

十數點淡煙三四峯落葉半藏路清風時滿溪寒沙梅影路

微雪酒香村湖雪殘波岸舫燈獨夜人西風一夜雨丹桂滿

林花皆有唐風又絕句冰合金河雪暗關內家難覓一枝寒

祇應獨結梅花伴水遠山長盡意看

見梅

深淺柴煙曲塢閒

杉皮小屋遠幽潺紫苔青石梅花路隨意閒看雪後山

黃沙道中

又絕句至黃沙道中一段蠶尾文無

中自序有易類象三卷書傳補遺十卷通鑑綱

目測海三卷通書問一卷吳才老叶韻一卷六書綱領一卷

補六書攷三十二卷薊邱述遊錄一卷摺頤錄十卷知非堂

稿十七卷外稿十六卷今詩稿止十六卷

蠶尾文作今詩已去唐易錄止十六卷耳

明戶部尙書邊貢詩朝望長白山暮望長白山山色有朝暮
吾心常自閑

崧少山人張鯤石刻絕句在醴泉寺范祠危閣煙霞出峯簷
麋鹿來春泉落西澗聲遶讀書臺風畫谿楊色煙春崑蕙香
人言背絕壑纔是上書堂山護埋金窟泉通畫粥廚傳經衣
盃在常伴老龍圖靈刹羣峯合名祠半日遊難逢浮海術易
集下山愁按鯤釣州人今禹官副使已上漁洋文并錄一

漁洋詩話鄒平長白山醴泉寺卽范文正公畫粥處四山環合一

谿帶縈池北偶談作縈谿上有范公祠祠中多前代石刻有嘉靖十三

年崧少山人張鯤八絕句最佳節錄於左危閣煙霞出峯簷

麋鹿來春泉落西澗聲遶讀書臺此下偶談多一首云崑崙前碧玉樹葉上青霄工師求大木陸棟萬年朝餘俱全

風畫谿楊色煙春巖蕙香人言背絕壑纔是上書堂山護埋

金窟泉通畫粥廚傳銕衣盃在曾伴老龍圖靈刹羣峯合名
祠半日遊難逢浮海術易集下山愁鯤河南釣州人詩名不
甚著而詩之工如此

南海屈介子

大均

少爲諸生有聲旋棄去學浮屠法釋名一靈

字翁山居羅浮久之出游吳越又數年忽加冠巾游秦隴與

秦中名士王無異

宏撰

李天生因篤輩爲友作華嶽百韻詩固原

守將某見而慕其才以甥妻之翁山愛玩少室賦詩云同棲

紅翠三花樹對寫丹青五岳圖自固原攜妻至代州上谷再

遊京師下吳會自金陵歸粵妻隨病死翁山之詩尤工於山

林邊塞一代才也同時陳恭尹字元孝王邦畿字說作梁佩

蘭字芝五王鳴雷字震生陳子升字喬生皆廣州人工詩元

孝詩尤高如積雪迴孤棹寒湘共此心離憂在湘水古色滿

衡陽又鄉山小別吟兼夢水驛多情浪與風
枕榔過雨番空地璫瑁乘潮上古城之類皆佳
說作句如雲低滄海樹潮上夕陽城曙色寒
山外秋風古渡前殊近錢劉又有絕句云昨
冬歸去今春信言是端陽入楚山吟取荊州
舊時事洞庭秋盡客應還喬生昔昔鹽云鴛
鴦樓外烏欲棲玳瑁梁間燕吐泥月暈圓
隨漢東蚌天河傾向汝南雞萬方儀態華
鐙出一笑橫陳翠帳低愁見曉鴻征塞北
不知天將定遼西又有南中塞下曲一篇
極似楊用修格調翁山詩予曾爲選百篇以
爲唐宋以來詩僧無及者五律如帆隨南岳
轉雁背碧湘飛久病悲歡盡新寒衣衲重
絕句如熒熒桃李花薄命寄君掌河水雖東
流河魚自西上又歸風詞南越輕綃似碧雲
裁爲飛燕御風裙中流舞罷將仙去萬歲千
秋復就君客雁門云

三年作客傍滹沱聽盡哀笳出塞歌白髮不愁明鏡滿秋霜
只怨雁門多此類不能悉記也予嘗語程職方云君鄉東粵
人才最盛正以僻在嶺海不爲中原江左習氣熏染故尙存

古風耳

并錄三

居易錄

南海陳恭尹元孝寄予詩索南海集云酷似高人王右

丞在官蕭散意如冰時名兄弟堪方駕家學文章自一燈滄
海乘樓曾獨到越山懷古記同登南來新詠多如許紙貴衡
陽寫未能嶺南耆舊今唯元孝及屈翁山梁藥亭在予乙丑
別于佛山今六年矣元孝詩如離憂在湘水古色滿衡陽映
花谿路閒激水石根虛積雪迴孤棹寒湘共此心積雨江漢
綠歸心楊柳初三徑草生殘雨後數家門掩落花中鄉山小
別吟兼夢水驛多情浪與風檳榔過雨垂空地璚瑁乘潮上

古城皆唐賢佳句也有獨漉堂集小賦尤工行草分隸皆有法

漁洋詩話

東粵詩自屈程梁陳之外又有王邦畿說作王鳴雷震

生陳子升喬生伍瑞隆鐵山數人皆有可傳說作句如雲低
滄海樹潮上夕陽城曙色寒山外秋風古渡前殊近錢劉又
有絕句云昨冬歸去今春信言是端陽入楚山吟取荊州舊
時事洞庭秋盡客應還喬生昔昔鹽云鴛鴦樓外烏欲棲璚
瑁梁間燕吐泥月暈圓隨漢東蟬天河傾向汝南雞萬方儀
態華鐙出一笑橫陳翠帳低愁見曉鴻征塞北不知天將定
遼西南中塞下曲云膠寒竹箭猶揚越笛散梅花已漠關小
月陣前雲出海骨都營外火連山江邊玉帳樓船度馬上金
錢御府頒百尺高臺兩銅柱漢家何日拓南蠻頗似楊用修

格調

全上 伍瑞隆字鐵山香山人竹枝詞云蝴蝶花開蝴蝶飛鷓

鴒草長鷓鴣啼庭前種得相思樹落盡相思人未歸

浙川志載縣人彭侍郎

凌霄

龍巢寺詩句云殘碑猶宋字逝水

自秦川最佳侍郎字用沈萬歷甲辰進士先方伯公同年也

新野馬仲良

駿

有寄彭詩云春山春日好高枕若爲情窻戶

白雲裏朝昏芳草生把書看鳥滅捲釣數魚行

云云

龔昺字克懋一字懋卿章邱人與濟南殷正甫李于鱗許殿

卿爲古文辭相友善華鰲字空塵亦章邱人妙於繪事落筆

輒題其上曰空塵詩畫人巧之畫輒瞪目不應當其意得迥

出筆墨蹊徑之外詩亦如之五言尤超詣題王仁甫卜築云

大隱不在山出處乃適意送呂中甫山人云秋老畱紅葉風

輕轉白蘋宿惠上人院云愛此疎林月兼之一磬清孤坐云
雨霽聞啼鳥風停數落花過楊九山川上居云鱸頭雨宿火
花徑閉秋雲人以擬浩然微雲疎雨之句鰲亦滄溟友予少
見其集今無從購矣鰲姓字亦見楊升菴集最奇寄滄溟絕
句云瓜田十畝濟城東雲外青山小苑通流水桃花迷處所
幾家春樹暮煙中鰲睡起自述云槐午睡方熟息肩者稚子
老妻撼繩牀飯熟呼不起不能工磬折髮亂無人理我懶我
自知不要旁人喜

已上池北偶談

附錄此條中段最年六十以歲貢仕江都縣訓導遷威寧教諭開平衛教授歸五年卒所著有懋卿集太極圖解性命辨劉尚書白川稱爲朱元晦功臣王伯安詩云

番禺黎遂球美周蓮鬚閣集徐世溥巨源序以太白子瞻擬
之推許過情要亦崇正末一才士

琅邪王若之字湘客孤情絕照詩清真無啟正氣習絕句云

素宇流孤月清光照雁聲似從千里外寄與故鄉明驢背肩
似山笠下眼如海偶見漁樵人行歌互相待恰遇青山白水
忽來細雨斜風俗駕還多高寄便止宿于此中若言造物勞
人那得伯師遮道清涼是大藥王一拂一濯甚好片時眼界
澄清鼻觀與之俱省脫巾解帶匡牀消受荷花百頃圖書囊
笠載輕舫雨雨風風去不停疑是煙波垂釣者居然呼吸有
樵青三十寒香遶屋栽果然林下美人來狂夫自許非寥落
眷屬妻孥揔是梅聯句如風雨松堂集燈殘經不明風煙無
市色時令屬山秋半將春事負始有故人來戶外唯羅雀牀
間復鬪牛如何橫白雨忽已失青山雨餘春尚冷江上柳初
眠正是春潮長還當暮雨時登高逢九日不速恰三人扁舟
乘曉霽歸棹作浮家學語兒呼吸消閒婦鬪茶林端秋露滴

草際候蟲鳴碧藻浮沉處白蓮三兩枝皆非凡語

并錄一

漁洋詩話

王若之字湘客益都人父基明戶部尙書若之以父任歷官河南參議性嗜古南渡避地姑孰圖書鼎彝之屬尙兼兩後死金陵若之風神清映如晉宋間人工詩及尺牘金陵見月云玉宇流孤月清光照雁聲似從千里外寄與故鄉明山中云驢背肩似山笠下眼如海時見漁樵人行歌互相待江行云圖書簞笠載輕舫雨雨風風去不停疑是煙波垂釣者居然呼汲有樵青

牧齋喜李流芳長蘅詩穀城山曉青如黛滕縣花開白似銀予亦愛之康熙乙丑以祭告南海之役途出鄒滕憶前句賦一詩適門人戶部主事何炯貽予長蘅詩鈔本是詩在其中惜全篇不稱別有東阿道中一首云騰騰兀兀逐塵行忽似

春山爲解醒高下欲隨人境繞逶迤偏覺馬蹄輕誰教柳色
氤氳映不分梨花處處生愛煞穀城山下路風光况復是清
明又滕縣道中云山欲開雲柳乍風杜梨花白小桃紅三年
三月官橋路策蹇經過似夢中二首風調頗佳

已上皆錄并錄一

漁洋詩話穀城山好青如黛滕縣花開白似銀嘉定李長蘅芳詩

也余最喜之甲子使東粵往返兩過滕縣不見一花賦詩云
薛北滕南幾問津遠山如畫黛新唯餘底事堪悵悵不見
花開白似銀長蘅畫學雲林亦是逸品門人陸生廷燦扶照
近補刻嘉定四君子集余爲之序大抵程孟陽之詩婁子柔
之文長蘅之畫足稱三絕

山陰陳洪綬以畫得名亦能詩有憶舊絕句云豐谿梅雨山
樓醉竺塢茶香佛火眠清福不知今日憶神宗皇帝太平年

池北陳洪綬以畫名予嘗見其小詩頗有致今錄於此楓谿
偶談梅雨山樓醉竹塢茶香佛火眠清福不知今日憶神宗皇帝
太平年

杜參政漢子濂別字潞村世濟南濱州人詩有奇氣類山陰

徐渭陳允衡撰國雅取君詩壓卷人以爲定論

馬君長春字三如世爲青之安邱人順治丙戌舉鄉試數困
公車不以屑意治圃數畝有古木數百章修竹千挺又植昌
州海棠紅梨各一株於草堂之側布袍草履日婆娑其間性
嗜茶茶具必精好嘗蓄名茶客至論文輒自前點飲客以爲
樂蕭然欲友陸鴻漸段礪之之流於千載之上與從弟澄皆
以詩名康熙庚申君寄予五言詩一章予酷愛其語似孟東

野亦賦五言寄之

已上漁洋文

王庭字言遠嘉興人順治己丑進士初仕爲廣州府知府歷官山西布政使廉介不苟所至以清惠稱罷官歸足跡不入城市常衣布袍行田間人不知其二品大僚也年踰八十乃卒五言詩清真古澹有陶韋風與石湖邢昉相上下足稱逸品

韓畱字石耕北平人亂後遊江南遍歷台岩諸勝畱善鼓琴尤工五言詩有句云春愁當二月酒渴起三更

并錄一

漁洋詩話韓畱字石耕北平人徧遊吳越名勝客死平湖有句云

春愁當二月酒渴起三更

費密字此度成都人少遇逆獻之亂竄身西域已乃溯漢江下游吳楚居淮南老焉予曾見友人几上一卷偶取視之其

首篇云大江流漢水孤艇接殘春詢之乃密作也遂賦詩與

定交密跋一足著鹿峯集

并錄一

漁洋詩話余在廣陵偶見成都費密字此度詩極擊節賦詩云成都

跋道士萬里下我岷虎口身曾拔蠶叢句有神大江流漢水

孤艇接殘春二句卽密詩十字須千古胡爲失此人密遂來定交如

平生懽

宗枬附識正齋述葛廬先生云歐陽文忠答杜正獻見贈詩有報國如乖願歸耕寧買田之聯其後正獻已卒文忠後用前詩題其祠堂云門生今自首墓木已落煙報國如乖願歸耕寧買田此言今始踐知不愧黃泉見蔡寬夫詩語余按此格昔人詩中僅見漁洋贈費密詩亦頗與此格相類又勇參云案元遺山淮右七律一首五六全用韓偓細水浮花一聯於結處標出山人蓋用其體也

劉吏部公猷仁體詩往往有風味嘗有寄友人絕句云西湖小

閣多晴月好友同舟半是僧寄語江南老桑苧秋山紫蕨憶

行滕公猷自編詩逸此予爲口誦之公猷喜以爲予真能賞

音也又公猷友人某素嗜琴歿數年矣公猷一日攜諸姬郊行過其墓停車酌酒使諸姬於墓下各操一曲而去其標致如此

并錄二

漁洋詩話劉公猷常有絕句云西湖小閣多晴月好友同舟半是

僧寄語江南老桑苧秋山紫蕨憶行滕自編其集遺之余舉似云如此作何以不錄公猷笑謝曰賴兄爲我作行秘書

居易錄公猷詩頗有奇句如云直溪東天色湍激橡林左峭刻

極似孟東野語

同年子蒲州吳雯字天章以博學宏詞薦在京師偶得漢銅印文曰河聲嶽色雯家蒲州中條山南永樂鎮臨大河對岸卽華嶽三峯也雯有詩云門前九曲崑崙水萬點桃花尺半

魚

并錄三

居易天章贈所刻寒山子詩詩家每稱其鸚鵡花間弄琵琶
錄月下彈長歌三月響短舞萬人看謂有唐調其詩有工語有
率語有莊語有諧語至云不煩鄭氏箋豈待毛公解又似儒
生語大抵佛語菩薩語也天章詩情高逸當世無輩素耽二
氏之書有出世之志予曾序其蓮洋詩又嘗誦其句于故友
葉文敏叅菴云泉遶漢祠外雪明秦樹根濃雲溼西嶺春泥
霑條桑至今堯峯上猶上堯時日凡數聯叅菴贊歎一日講
筵罷先往訪之康熙己未以博學宏辭徵赴京師獨不掃門
時相所居在中條山南永樂鎮卽春秋魏畢萬所封古河中
府河東縣也唐相李石李福李程兄弟及呂仙巖故里有玉
溪卽李商隱所居

漁洋詩話

蒲阪吳雯天章初至京師未知名余亟賞其詩謂爲仙

才一日待漏朝房誦其句於葉文敏訥菴方云泉繞漢祠外

雪明秦樹根濃雲溼西嶺春泥霑條桑又門前九曲崑崙水

千點桃花尺半魚葉大驚異下直卽命駕往訪之吳詩名大

噪都下所居永樂鎮卽唐永樂縣有玉谿李義山家於此

分甘吳天章答人云自卜條南舊隱居明星玉女對攤書門

前萬里崑崙水千點桃花尺半魚又至今堯峯上猶上堯時

日又河聲過雷首雨氣下風陵

三原孫枝蔚老詩人也以年授官放還山初得正字賦詩云

一官如寵鶴萬里本浮鷗獻賦曾非宴童年况異劉山人今

上路小婦免登樓臨水看蝌蚪并錄二雅添鰈字愁

池北孫豹人遊焦山中流風浪大作舟人失色孫長嘯詠詩

云風起中流浪打船秦人失色海雲邊也知賦命元窮薄尙

欲西歸太華眠孫三原人流寓江都

漁洋詩話

孫豹人

枝蔚

三原人居廣陵卓犖負奇氣一日游焦山中

流遇風賦詩云風起中流浪打船秦人失色海雲邊也知賦

命元窮薄尙欲西歸太華眠

高念東侍郎

珩

以康熙戊申奉

命祭告南岳在湖湘間有

詩數百篇予喜其絕句錄之如行人到武昌已作半途喜那

識武昌南煙水五千里未入衡州郭先看衡州城城門垂薜

荔大抵似巴陵綠淨不可唾此語足千古天水澹相涵中有

數聲櫓花放不知名稻秀猶能長芳草隱清流但聽清流響

兩岸層層嶂孤城面面山橫襟憑一葉睥睨洞庭閒幾月舟

行久今朝倦眼開千峯翔舞處一片大江來南岳雲中盡東

流海上忙他年圖畫裏著我在瀟湘芋火夜經聲悲喜寒巖

寺宰相世間人何與山僧事磨甃竟不成磨銅何不可寄語
馬大師努力菴前坐高又有送人詩云故園小圃又東風杏
子櫻桃次第紅明日春明門外路清明消遣馬蹄中

已上池北偶

談井錄三

漁洋詩話高念東侍郎祭告南嶽詩多佳略其五言絕句數首於

此行人到武昌已作半塗喜那識武昌南煙水五千里兩岸
層層嶂孤城面面山橫襟憑一葉睥睨洞庭間未入衡州郭
先見衡州城城門垂薜荔大抵似巴陵綠淨不可唾此語足
千古天水澹相涵中有數聲鶯花放不知名稻秀猶能長芳
草隱清流但聽清流響幾月舟行久今朝倦眼開萬峯飛舞
處一片大江來南嶽雲中盡東流海上忙他年圖畫裏著我
在瀟湘

全上高念東少宰珩都門清明送客云故園小圃又東風杏

子櫻桃次第紅明日春明門外路清明消遣馬蹄中

蠶尾續文高公葱佩別字念東歸田坐臥一小閣不接賓客凡上

唯梵夾旁行金剛淨名數卷外不復觀他書常和寒山子詩以見意公爲詩如麻姑擲米粒粒皆成丹砂然不自愛惜緣手輒散去

鄢陵梁哲次日先生長齋繡佛於三藏十二部之書無不研

究而於楞嚴尤了悟初因證果大旨每過其居邸繩牀藥竈外唯經論數卷雖身爲宰官居然老爛頭陀也於詩嗜陶淵明少得句云明月生東隅清輝照北牀長老驚異成進士出知西安之咸寧入爲雲南道監察御史謝病歸高侍郎念東贈詩云燕臺襪被親相送一箇篙印行腳僧蓋紀實云

蠶尾文

薦福寺卽唐勝容院也有小鴈塔塔門石榴有明宏正間王
雲鳳蔡天祐段吳安磐王謳等題名書甚工左壁有康乃心
題秦莊襄王墓絕句云園廟衣冠此內藏野花歲歲上陵香
邯鄲鼓瑟應如舊贏得佳兒畢六王賞詠久之龔節孫勝玉爲
言康字太乙郃陽名士長安語曰關中二李不如一康

文亦見秦蜀驛程後記 并錄二

漁洋詩話余以戶部侍郎祭告西嶽游慈恩寺見塔上有二絕句

題秦莊襄王墓園廟衣冠此內藏野花歲歲上陵香邯鄲鼓瑟應如舊

贏得佳兒畢六王問知爲郃陽康乃心太乙所作亟稱之翼

日詩名徧長安而康不知也康以此得重名學使陸儼庭德元

拔之充貢賦是科以第五人冠其經

居易錄郃陽民康乃心奉新城老先生閣下行二十年前曾於

朋好處讀先生近體數首玉振金聲仰止深切而以雲泥異
勢請教無由歲月蹉跎不學牆面老作咸陽布衣亦復何恨
不意前秋偶客長安雁塔雅塗謬爲海內大君子所見賞爾
時伏首山谷一字弗知竟未獲負笈追隨久之友人書來
具言始末而拙句遍傳都人士口矣秋中應試青門敏之上
人始諄諄爲語乃知楓落吳江流播信不虛也私念老先生
海嶽宗工握風雅之權者已數十年十五國內外高士鴻文
光燄萬丈收之囊中爲龍爲鳳亦復何限奚取於窮鄉僻壤
貧賤落拓孤陋寡聞庸庸鹿鹿之一老儒下士乎古人云天
下有一知己可以不恨此言誠非敢居然當吾世而不能相
知後世誰實相知定吾文者悲夫又何其言之痛也徘徊於
中已將經歲乃敢忘其愚賤奉上一函庶人之分引嫌固宐

然載四君子非名非利無請無託或亦斯文未喪吾道猶存
風雨晦明亮爲先生所不棄絕也舊刻數紙自慚庸陋前有
千古後有萬年得失之故知在寸心倘邀靈溟岱蒙先生進
而辱訓之真所云饑十日得太牢也先曾王父舊仕犁邱家
有遺文在故篋中似爲太先生大司馬公所贈者敬書一通
奉覽臨啟悚慄伏唯鑒在右康生字太乙邵陽人予丙子以
祭告西嶽至長安偶遊薦福寺小雁塔見塔上題詩三首記
其一題秦莊襄王墓云原廟衣冠此內藏野花歲歲上陵香邯鄲鼓
瑟應如舊贏得佳兒畢六王極賞其佳從遊門人武進龔勝
玉節孫曰康邵陽名士也秦人語曰關中二李不如一康會
予匆匆入蜀未及物色之比歸而灞渭水漲阻西安兩日水
落遂行至京師時道其詩于公卿交游陸郎中儼庭往提調

陝西學政爲言關中知名無踰李二曲頤及康生者明年七月康以書及所著華野集來偶筆於此知文章有神交有道少陵不誣也

取道褒城縣宿宗姪安官署齋壁有故友趙湛秋水詩略云

太行九千仞石磴盤雲間雪壓鴈門塞冰齊熊耳山歎其超

詣秋水永年人申處士鳧盟光友也康熙壬戌訪予邛舍與

談鳧盟遺事感贈一詩初秋水至燕平生故人無在者後生

目笑之意不自聊旣而予召之飲酒賦詩人始知其耆舊明

日訪之者相望於道也蓋秋水自述於予門人申頤者如此

今秋水觀化又十年矣誦其詩因感往事書之

秦蜀驛程後記

帶經堂詩話卷十